



СПАСИ
И
СОХРАНИ





**СВЯТЫЕ
МОЛИТВЫ
О ДЕТЯХ**



Молитвы

отца или матери о детях

Молитва I

Отче Святый, Превечный Боже, от Тебя исходит всякий дар или всякое благо. Тебе прилежно молюсь о детях, которых благодать Твоя мне даровала. Ты дал им жизнь, оживотворил их душою бессмертною, возродил святым крещением, дабы они сообразно с волею Твоею унаследовали Царство Небесное, сохрани их по Твоей благодати до конца их жизни. Святи их Твоею истиною,

да святится в них имя Твое. Содействуй мне благодатию Твоею воспитать их во славу Твоего имени и на пользу ближним, дай мне для этого потребные средства: терпение и силу. Господи, просвети их светом Твоея Премудрости, да любят Тебя всею душою, всем помышлением, насади в сердцах их страх и отвращение от всякого беззакония, да ходят в заповедях Твоих, украси души их целомудрием, трудолюбием, долготерпением, честностию, огради их правдою от клеветы, тщеславия,

мерзости, окропи рососо благодати Твоя, да преуспевают в добродетелях и святости и да возрастают в благоволении Твоем, в любви и благочестии. Ангел-хранитель да пребывает с ними всегда и соблюдает их юность от суетных мыслей, от прельщения соблазнов мира сего и от всяких лукавых наветов. Если же когда согрешат перед Тобою, Господи, не отврати Лица Твоего от них, но буди к ним милостив, возбуди в их сердцах покаяние по множеству щедрот Твоих, очисти согреше-

ния и не лиши Твоих благ, но подай им все угодное для их спасения, сохраняя их от всякой болезни, опасности, бед и скорбей, осеняя их Твоею милостию во вся дни жизни сей. Боже, Тебе молюся, дай мне веселие и радость о моих детях и сподоби мне предстати с ними на Страшном суде Твоем, с непостыдным дерзновением сказать: "Вот я и дети, которых Ты мне дал, Господи. Аминь". Да прославим Всесвятое имя Твое, Отца и Сына и Святаго Духа. Аминь.

Молитва 2

Боже и Отче, Создатель и Сохранитель всех тварей! Облагодатствуй моих бедных детей (*имена*) Духом Твоим Святым, да возжжет Он в них истинный страх Божий, который есть начало премудрости и прямое благоразумие, по которому кто поступает, того хвала пребывает вечно. Облаженствуй их истинным познанием Тебя, соблюди их от всякаго идолослужения и лжеучения, сделай, чтоб возросли в истинной и спасающей вере и во всяком благочестии, и да

пребудут в них постоянно до конца. Даруй им верующее, послушное и смиренное сердце и разум, да возрастают в летах и в благодати пред Богом и пред людьми. Насади в сердце их любовь к Твоему Божественному Слову, чтобы они были благоговейны в молитве и в богослужении, почтительны к служителям Слова и со всяким искренни в поступках, стыдливы в телодвижениях, целомудренны в нравах, истинны в словах, верны в делах, прилежны в занятиях, счастливы в исполнении обязанностей своих, разумны и праводетельны ко

всем людям. Соблюди их от всех соблазнов злого мира, и да не развратит их худое общество. Не попусти им впасть в нечистоту и нецеломудрие, да не сократят сами себе жизни своей и да не оскорбят других. Буди защитой их во всякой опасности, да не подвергнутся внезапной гибели. Соделай, чтоб не увидели мы в них себе бесчестия и посрамления, но честь и радость, чтоб умножилось ими Царство Твое и увеличилось число верующих, и да будут они на небеси окрест Трапезы Твоей, как небесные масличные ветви, и со всеми

избранными да воздадут Тебе честь, хвалу и прославление чрез Иисуса Христа, Господа нашего. Аминь.

Молитва 3

Господи Иисусе Христе, буди милость Твоя на детях моих (*имена*), сохрани их под кровом Твоим, покрый от всякаго лукаваго похотения, отжени от них всякаго врага и супостата, отверзи им уши и очи сердечныя, даруй умиление и смирение сердцам их. Господи, все мы создание Твое, пожалей детей моих (*имена*) и обрати их на покаяние. Спаси, Господи, и помилуй детей

моих (*имена*) и просвети им ум светом разума Евангелия Твоего и настави их на стезю заповедей Твоих и научи их, Спасе, творити волю Твою, яко Ты есть Бог наш.

**Молитва
к Божией матери
за детей**

О пресвятая Владычице Дево Богородице, спаси и сохрани под кровом Твоим моих чад (*имена*), всех отроков, отроковиц и младенцев, крещенных и безымянных, и во чреве матери носимых. Укрой их ризою Твоего мате-

ринства, соблюди их во страхе Божием и в послушании родителям, умоли Господа моего и Сына Твоего, да дарует им полезное ко спасению их. Вручаю их Материнскому смотрению Твоему, яко Ты еси Божественный Покров рабам Твоим. Уврачуй душевные и телесные раны чад моих (*имена*), моими грехами нанесенные. Вручаю дитя мое всецело Господу моему Иисусу Христу и Твоему, Пречистая, небесному покровительству. Аминь.

**Молитва
о здоровье детей**

пред иконой "Целительница"

Приими, Всеблагословенная и
Всемощная Госпоже Владычице
Дево, сия молитвы, со слезами
Тебе ныне приносимыя от нас,
недостойных раб Твоих (имена),
ко Твоему цельбоносному обра-
зу пение возсылающих со умиле-
нием, яко Тебе Самой, zde сущей
и внемлющей молению нашему.
По коемуждо бо прошению ис-
полнение твориши, скорби об-
легчаеши, немощным здравие
даруеши, ослабленные и не-
дужныя исцеляеши, от бесных
бесы изгоняеши, обидимых от

обид избавляеши, прокаженные
очищаеши и малыя дети милуе-
ши еще же, Госпоже Владычице,
и от уз и темниц свобождаеши и
всякия многоразличныя страсти
врачуеши, вся бо суть возможно
ходатайством Твоим к Сыну
Твоему, Христу Богу нашему. О,
Всепетая Мати, Пресвятая Бого-
родице, молися о нас, недостой-
ных рабах Твоих (имена), славя-
щих Тя, и поклоняющихся со
умилением пречистому образу
Твоему и надежду имущия невоз-
вратну и веру несумненну к Тебе,
Приснодеве преславной и непо-
рочной, ныне и присно и во веки
веков.

О, Пресвятая Госпоже, Владычице Дево Богородице! Приими недостойную молитву мою и сохрани мя и раб Божиих (*имена*) от внезапныя смерти и даруй ми и рабам Божиим (*имена*) прежде конца покаяние.

**О воспитании детей
в христианском
благочестии**

(*Мученице Софии*)

О, многострадальная и премудрая великомученице Христова Софие! Ты душою на небеси у престола Господня предстоиши, на земли же, данною тебе

благодатию, различная соверша-
еши исцеления: призри убо ми-
лостивно на предстоящая люди
и молящиеся пред мощами твои-
ми, просящая твоея помощи:
простри ко Господу святыя мо-
литвы твоя о нас, и испроси нам
оставление согрешений наших,
недужным исцеление, скорбя-
щим и бедствующим скорую по-
мощь: умоли Господа, да подаст
всем нам христианскую кончину
и добрый ответ на Страшном
Суде Своем, да сподобимся и мы
купно с тобою славить Отца и
Сына и Святаго Духа во веки ве-
ков. Аминь.

О развитии способностей и ума у детей

Преп. Сергию, игумену Радонежскому

О, священная главо, преподобне и богоносне отче наш Сергие, молитвою твоею, и верою и любовию, яже к Богу, и чистотою сердца, еще на земли во обитель Пресвятыя Троицы душу твою устроивый, и ангельскаго общения и Пресвятыя Богородицы посещения сподобивыйся, и дар чудодейственных благодати приемый, по отшествии же твоём от земных наипаче к Богу приближивайся и небесные силы

приобщивыйся, но от нас духом
любве твоея не отступивый, и че-
стные твоя мощи, яко сосуд бла-
годати полный и преизлива-
ющийся, нам оставивый! Велие
имея дерзновение ко Всемилос-
тивому Владыце, моли спасти
рабы Его, сущей в тебе благода-
ти Его верующия и к тебе с лю-
бовию притекающия. Испроси
нам от Великодаровитаго Бога
нашего всякий дар, всем и кое-
муждо благопотребен: веры не-
порочны соблюдение, градов на-
ших утверждение, мира умире-
ние, от глада и пагубы избавле-
ние, от нашествия иноплемен-
ных сохранение, скорбящим

утешение, недугующим исцеление, падшим возставление, заблуждающим на путь истины и спасения возвращение, подвизающимся укрепление, благоделающим в делах Благих преспеяние и благословение, младенцем воспитание, юным наставление, неведущим вразумление, сиротам и вдовицам заступление, отходящим от сего временного жития к вечному благое уготовление и напутствие, отшедшим блаженное упокоение, и вся ны споспешествующими твоими молитвами сподоби в день Страшного Суда шуия части избавитися, десныя же страны общники быти

и блаженный оный глас Владыки Христа услышати: "Приидите, благославленнии Отца Моего, наследуйте уготованное вам Царствие от сложения мира". Аминь.

О благосостоянии детей в обществе

*Святителю Митрофану,
Воронежскому чудотворцу*

Святителю отче Митрофане, нетлением честных мощей твоих и многими благодеяньми, чудесно содеянными и содеваемыми тобою с верою к тебе притекающим, уверившися, яко имаши

велию благодать у Господа Бога нашего, всемирно припадаем вси и молимся тебе: моли о нас Христа Бога нашего, да ниспослет всем, чтущим святую память твою и усердно к тебе прибегающим, богатая милости Своя: да утвердит во святей Своей православной Церкви живой дух правая веры и благочестия, дух ведения и любви, дух мира и радости о Духе Святе, да вси члены ея, чисты от мирских искушений и плотских похотей и злаго действия злых духов, духом и истинною поклоняются Ему и усердно пекутся о соблюдении заповедей Его ко спасению душ сво-

их. Пастырем ея да даст святую ревность попечения о спасении людей, им вверенных, да неверующих просветят, неведущих наставят, сомневающихся вразумят и удостоверят, отпадших от православныя Церкви обратят в святыя недра ея, верующих соблюдут в вере, грешных подвигнут к покаянию, кающихся утешат и укрепят в исправлении жизни, раскаявшихся и исправившихся утвердят в святости жизни: и тако всех введут указанным от него путем в уготованное вечное Царство святых Его. Ей, святителю Божий, да устроиши молитвами твоими вся благая душам и

телесем нашим: да и мы прославим в душах и телесех наших Господа и Бога нашего, Иисуса Христа, Ему же со Отцем и Святым Духом слава и держава во веки веков: Аминь.

О покровительстве детям

*Праведному Симеону
Богоприимцу*

О, великий угодниче Божий Богоприимче Симеоне! Предстоя престолу великаго Царя и Бога нашего Иисуса Христа, велие дерзновение имаши к Нему, во объятиих твоих нашего ради спасения носитися изволившему.

К тебе убо, яко многомогущему
предстателю и крепкому о нас
молитвеннику, прибегаем мы,
грешнии и недостойнии. Моли
Благодать Его, яко да отвратит от
нас гнев Свой, праведно по де-
лом нашим на ны движимый, и
презрев безчисленная прегреше-
ния наша, обратит нас на путь
покаяния и на стезе заповедей
Своих утвердит нас. Огради
молитвами твоими в мире живот
наш, и во всем благом благое
поспешение испроси, вся яже к
животу и благочестию потребная
нам даруя. Якоже древле Вели-
кий Новоград явлением чудо-
творных иконы твоея от губи-

тельства смертнаго избавил еси, тако и ныне нас и вся грады и веси страны нашея от всяких напастей и бед и напрасныя смерти предстательством твоим избави, и от всех враг видимых и невидимых покровом твоим защити. Яко да тихое и безмолвное житие поживем во всяком благочестии и чистоте и, тако в мире временное сие житие прешедше, в вечный достигнем покой, идеже сподобимся Небеснаго Царствия Христа Бога нашего. Ему же всякая слава подобает со Отцем и Пресвятым Его Духом, ныне и присно и во веки веков. Аминь.

О целомудрии и благополучном замужестве дочерей

Святителю Николаю Чудотворцу

О, всесвятый Николае, угодниче
преизрядный Господень, теплый
наш заступниче и везде в скорбех
скорый помощниче! Помози ми,
грешному и унылому в настоя-
щем житии, умоли Господа Бога
даровати ми оставление всех
моих грехов, елико согреших от
юности моея, во всем житии
моем, делом, словом, помышле-
нием и всеми моими чувствами; и
во исходе души моея помози ми,

окаянному, умоли Господа Бога, всея твари Содетеля, избавити мя воздушных мытарств и вечного мучения: да всегда прославляю Отца и Сына и Святаго Духа, и твое милостивное предстательство, ныне и присно и во веки веков. Аминь.

**Молитва родителей
о детях, находящихся
на службе в армии**

Господи Иисусе Христе, Сыне Божий, молитв ради Пречистыя Твоея Матери услыши мя, недостойную рабу (или раба) (имя).

Господи, в милостивой власти
Твоей чада мои (или чадо мое),
рабы Твои (*имена*), помилуй и
спаси их, Имени Твоего ради.
Господи прости им все согреше-
ния вольные и невольные, совер-
шенные ими пред Тобою. Госпо-
ди, настави их на истинный путь
Твоих заповедей, и разум просве-
ти светом Христовым во спасе-
ние души и исцеление тела. Гос-
поди, благослови их службу в ар-
мии, на суше, воздухе и в море, в
пути, летании и плавании и на
каждом месте Твоего владыче-
ства. Господи, сохрани их силою

Честного и Животворящего Креста Твоего под кровом Твоим святым от летящей пули, стрелы, меча, огня, от смертоносной раны, водного потопления и напрасной Смерти. Господи, огради их от всяких видимых и невидимых врагов, от всякой беды, зол, несчастий, предательства и плена. Господи, исцели их от всякой болезни и раны, от всякия скверны и облегчи их душевные страдания. Господи, даруй им благодать Духа Твоего Святого на многие годы жизни, здравия и целомудрия во всяком благо-

честии и любви в мире и единодушии с окружающими их начальствующими, ближними и дальними людьми. Господи, умножь и укрепи им умственные способности и телесные силы, здравы и благополучны возврати их в родительский дом. Всеблагий Господи, даруй мне, недостойной и грешной рабе Твоей (имя), родительское благословение на чад моих (имена) в настоящее время утра, дня, ночи, ибо Царствие Твое Вечно, все-сильно и всемогущественно. Аминь.

Молитва на родительское благословение

Господи, Иисусе Христе,
Сыне Божий благослови, освя-
ти, сохрани сие чадо мое силою
животворящаго Креста Твоего.

Молитва Ангелу-Хранителю

Святый Ангеле-Хранителю
моих чад (*имена*), покрый их
твоим покровом от стрел демо-
на, от глаз обольстителя и сохрани
их сердце в ангельской чистоте.
Аминь.

Содержание

Молитвы отца или матери о детях	3
Молитвы к Божней матери за детей	11
Молитва о здоровье детей перед иконой "Целительница"	13
О воспитании детей в христианском благочестии	15
О развитии способностей и ума у детей	17
О благосостоянии детей в обществе	20
О покровительстве детям	23
О целомудрии и благополучном замужестве дочерей	26
Молитва родителей о детях, находящихся на службе в армии	27
Молитва на родительское благословение	31
Молитва Ангелу-Хранителю	31

Молитвы из Молитвослова, 1996г.
По благословению Святейшего Патриарха
Московского и всея Руси АЛЕКСИЯ II



Богородице Дево, радуйся, Благодатная Марие, Господь с Тобою; благословенна Ты в женах и Благословен Плод чрева Твоего, яко Спаса родила еси душ наших.

Моли Бога о мне, свя-
тый угодниче Божий,
Огче Серафиме, яко аз
усердно к тебе прибегаю,
скорому помощнику и мо-
литвеннику о душе моей.